

☆狸貓換太子之落帽風（包公落帽）☆ 〔唐健垣唱〕

【梆子七字清】陳州地面把災民賑，鐵面無私志乾坤。

奉旨回京聽聖訓，咦！點解官帽居然吹上青雲呀。

吓！兩斤重嘅官帽都變輕塵！誰人試法偷取速尋搵。

偷帽之人大膽哉，是人是妖抑是神。

張龍趙虎往前追，立即拿人來拷問。

（白：嘿！啟稟大人，官帽在呢個賣菜仔菜籠中搵到。）

唉！官帽在菜籠中搵到，問極都唔招費精神。

吓！二斤官帽都能吹起，（白：賣菜仔，）

你有何法力將帽運。

速速招供免勞拷問，否則嚴刑侍候取你三魂。

（白：人來刑棒侍候！哎呀、哎呀、哎呀，大人呀！）

小人賣菜養娘親，法力云云非所問。

（白：係呀大人呀大人，我哋係鄉親鄰里，呢個阿壽，

佢個老娘盲咗眼嘅，佢日日都係賣菜，好孝順㗎！

佢孝順名聲傳遠近㗎，你唔好打，陰功呀！）

看來落帽非關神與妖，（白：好啦！）賜佢白銀十兩，

回家侍奉老年人呀：。

【正線南音短序】

【正線南音】阿壽獲此白銀，回家向親娘奏稟，

吓！親娘話包公 佢過境咩，

（白：哎呀！）咁就多謝靈神 8

你去請佢嚟到寒窰，話我有宮闈 冤案待稟，

你就話劉妃與郭槐勾結，害宸妃又欺君：

將太子，換作貓屍，佢咁良心泯，

又要將個宸妃嚟到燒死，在那冷宮碧雲 8

（白：去啦，哦！）

嗰個包拯，佢向來，係關心民隱，

何況來人居然講得出，咁多宮闈嘅秘辛：

當下佢趕到、趕到寒窰，要把案情嚟到問，

吓！誰知嗰個婦人，在窰中發話嘍，

話只准入去呀包拯一人 8 【腔】

【正線南音短序】（白：其他人在外邊等住。

吓，咁都有嘅。好啦。）

包拯忍氣吞聲，摸入去窰裡行近，（白：咁黑嘅。）

因為窰中昏暗，又未點燈：

佢隱約見一個婦人，端坐殊端品，
 張龍喝叫（白：跪低！）叫婦人跪稟，（白：我唔跪！）
 婦人話我只跪先王一個人。
 吓！並問來者，是否包拯本人，喂，你休得瞞隱，
 包拯話堂堂官吏，（白：你個仔都見㗎，）點會唔真呢：
 婦人話案情重大，必須謹慎，
 喂，你快跪低，吓，等我摸吓，（白：摸咩呀？）
 額頭是否有、有陰陽紋。（白：混脹！）
 後面張龍喝罵，喂！婦人無禮甚，
 睇你污糟邋邋，點可摸埋身：
 你快啲洗手又洗手，哼，然後慢慢稟，（白：哎呀！）
 呢處又黑嚟，又臭，實在好難聞。（白：唔使啦。吓！）
 婦人話，叫我洗手洗身，你哋唔使諗，
 除非用賜比阿、賜比包大人，嗰個紫金盆，
 共嗰條龍鬚巾：
 【中板】吓，嗰陣包拯聞言，嘩！渾身打震，
 （白：唏！）點解先王賜比我嘅寶物呢，佢都會知聞。
 （白：喂，阿大嫂呀。）

聽講娘娘，當日火燒身，經已命殞，
 點會你係、你係宸妃娘娘，不幸身：
 嗰陣包拯聞言，（白：哎呀！）驚魂震，
 從後園逃出，未變作灰塵⁸（白：係唔係呀吓！）
 吓！幸有忠義嘅宮娥，佢哋將路引，
 更叫人放火，要害我一身：
 又叫先王把冷宮，把哀家囚禁，
 用那死貓換去太子，陷害好人⁸
 被那劉妃，與共郭槐，把那陰謀混，
 十八載昭陽苑內，我誕下小龍身：
 【乙反】唉，回想前塵，唉！我傷痛甚，
 【乙反南音短序】
 （白：婦人話，包拯，我都知道先王御賜比你嘅寶物，
 你係唔會隨身帶嘅。不過我要讓你知道，
 我知道你所有底細，咁你就好小心，聽我講嘅嘢啦。）
 下官恭聽、恭聽你每一句話咯，我極留神⁸【腔收】
 【慢板】我休要、休要懷疑，請你從頭，有冤從頭稟，
 先王賜嘅寶物，又點會隨身呢：
 我額頭有個陰陽印，你壽仔都明睇得見㗎，

屍身呢：經已驗過，有太醫奏聞。⁸

婦人話燒死個係宮娥，代哀家命殞，

若無娘娘屍首，劉妃點會放心：。

唉，可憐我外家遠處、遠在吉林無人問，

我就流落在此地，唉我做了盲人。⁸（白：係呀。）

【中板】嗱我確係宸妃，曾受先王寵幸，

記得在馬年七月入宮，侍候聖君。

嗱！我亦知你年方廿八，官升九品，

七月初七個一日，你被封做了龍圖閣嘅大臣。⁸

（白：係唔係呀？係嚟！）先帝膝下無兒，

咁我八月呢就收你、收你做螟蛉子，（白：係唔係！）

賜你紫金盆、尚方劍與及龍鬚巾：。

包拯此時再無疑問，

叩頭三拜，口稱、口稱兒臣。⁸【短腔】

【乙反南音單序】（白：哎呀，娘娘、乾娘，乜原來真係

你，點解你又未死，今日又比我撞到呢，哎呀陰功咯。）

【慢板】唉，原來乾娘，你未曾命殞，（白：好咯，）

可憐驚天罪案，害你一生：。

寇珠佢唔肯浸死我皇兒，佢為報恩：
 唉，好在我待下人，平日都慈愛甚，
 劉妃將我皇兒換走，要斷送佢嘅三魂⁸
 嗰陣宸妃喉咽哽，淚濕羅巾：
 比宸妃抹淚。⁸

娘親共你，係一家：人⁸ 【短腔】
 自小棉乾絮濕，娘與兒親近，
 乖仔你一家救我，我亦感激萬分：
 唉，嗰陣宸妃攬住乖兒，佢亦飲泣不禁，
 乖仔，你唔好喊，唔係你嘅錯嘅。⁸

【乙反南音單序】（白：娘親，唉對唔住呀。
 令阿娘受苦，唉常常餓親，你個貴人⁸ 【短腔】
 哎呀！原來我唔係、唔係你親生嘅，唉我無禮甚咯，
 哎呀親娘受咁多苦，我好傷心：
 嗰陣阿壽在旁，佢就哀、哀喊呀嗎，
 呢啲宮廷嘅慘案，我亦未得詳聞⁸
 可惜當年，我在外州呢：，難查問，

聽講 佢叫太監陳琳，用個果盒將皇兒偷運，
 送交八王撫養，唉我謝靈神。
 唉啲個郭槐，火燒東宮，宮娥將路引，
 宮娥代、代哀家燒死，佢係忠烈殉身：
 唉我舉目、舉目無親呢，未敢在京城、京城混，
 咁我沿途乞食，遇到一戶、一戶好心人。
 佢哋就係阿壽佢嘅雙親，將哀家憐閔，
 我在此幫頭幫尾，共渡光陰：
 呢一處係窮鄉僻壤，唉係平安甚，
 十八載嘅驚天冤案，我未訴比旁人。
 其後阿壽雙親呢：同命殞，
 留下一歲阿壽孤兒，（白：阿媽！）世上存身：
 佢哋臨危托我，（白：點呀？）托我把孤兒憫，
 我哋受佢哋、受過佢哋大恩，唉原係我本份。
 十五載相依為命，（白：阿媽！）
 幾乎餓死一對可憐人。
 【乙反南音單序】（白：都係我有用啫阿媽。
 唔關你事嘅阿壽，我又盲咗、喊到，有乜辦法呀。）

及至先帝駕崩，乾坤震，
 將小王過繼，將佢養大成人。
 嗰陣劉妃作主，先王亦首肯，
 見到八王有獨子，伶俐天真。
 阿包拯佢話劉妃，佢係無兒，終身憾，
 當今聖駕，係我何人。
 嗰陣宸妃請包拯再言明、言明底蘊，（白：你話啦。）
 嘩！因為當今聖上，係你嘅親生。（白：吓，唔係啫！）
 【正線、中板】嗰陣包拯奏言，話娘娘你無哀感，
 【地水無限序】（白：陰功呀！）
 劉妃榮升太后咯，上天唔罰嗰啲衰人。
 聞說先帝駕崩，嗰陣劉妃有兒繼任，（白：佢就好啦！）
 哎呀皇兒，你如今安在，知否有、有娘親：
 唉此際，個宸妃呢，掩面哀聲震，
 全靠佢種田又賣菜咋，嚟到養活呢個盲人。
 呢好在阿壽天性勤勞，佢存孝行，
 後來遇著、遇著禽流感，盲咗我對雙目，更不堪：
 唉，我就種菜養雞呢，淪落甚，

你嘅皇兒，咁就繼位，順理成真：。（白：係呀！）
 宸妃佢話謝天謝地咯，天理、天理循環，咁我無所憾，
 我向蒼天叩拜，謝靈神 8
 阿包拯話，娘娘你無需憾，感神恩。
 惶惶國法，定會懲處啲奸人 8
 乾娘你請歡心，等候回宮禁，
 我定將呢啲冤情，嚟到揭發，盡我嘅一心：
 嗱！聖上並非糊塗，人聰敏，
 佢定能分皂白，把真相查尋 8
 劉妃共郭槐，佢哋縱然陰險甚，
 但係陳琳，共阿八王，佢哋尚在世，自會作證挺身：
 （白：係囉。）哎呀恭喜呀阿娘娘，
 你母子、母子重逢期已近，【慢板】我迎你回宮禁，
 阿壽亦必榮封貴胄，（白：封你做皇爺啦。）
 謝你一家救苦憐貧 8 【腔】
 L L L X
 L L L X
 L L L X

【正線尾序】